

BOSNA I HERCEGOVINA  
Federacija Bosne i Hercegovine  
ZENIČKO-DOBOJSKI KANTON  
Općina Maglaj  
OPĆINSKO VIJEĆE



BOSNIA AND HERZEGOVINA  
Federation of Bosnia and Herzegovina  
ZENICA-DOBOJ CANTON  
Maglaj Municipality  
MUNICIPAL COUNCIL

**PRIJEDLOG**

**PROGRAM POTICAJA U  
POLJOPRIVREDNOJ PROIZVODNJI  
OPĆINE MAGLAJ ZA 2026. GODINU**

IZRADILA:  
Služba za privredu, finansije/financije  
i razvoj poduzetništva

Maglaj, april 2026. godine

U skladu sa članom 1. i 26. Zakona o poljoprivredi u Federaciji BiH ("Službene novine Federacije BiH", br. 88/07, 04/10 i 07/13"), člana 2., 3., i 4. Zakona o razvojnom planiranju i upravljanju razvojem u Federaciji BiH ("Službene novine Federacije BiH", broj 32/17), člana 18. Statuta Općine Maglaj ("Službene novine Općine Maglaj", broj 6/25), Budžeta/Proračuna Općine Maglaj za 2026. godinu i člana 37. Odluke o izvršavanju Budžeta/Proračuna Općine Maglaj za 2026. godinu ("Službene novine Općine Maglaj", broj 12/25), Općinsko vijeće Maglaj na \_\_\_ redovnoj sjednici, održanoj dana \_\_\_ 2026. godine *donosi*

## **Program poticaja u poljoprivrednoj proizvodnji općine Maglaj za 2026. godinu**

### **Uvod**

U Budžetu/Proračunu Općine Maglaj za 2026. godinu predviđeno je 240.000,00 KM za poticanje poljoprivredne proizvodnje, što predstavlja kontinuirano povećanje izdvajanja sredstava iz budžeta/proračuna za poljoprivredu na području općine Maglaj za cca 14 % u odnosu na prošlu 2025. godinu.

Poticajna sredstva će se prvenstveno usmjeriti na poticaj poljoprivrednih gazdinstava koja u svom radu postižu značajne rezultate u cilju stvaranja, jačanja i proširenja porodičnih gazdinstava i obrta, te na poljoprivredne Zadruge i Udruženja čiji članovi doprinose cjelokupnom razvoju poljoprivrede i razvoju ruralnih dijelova općine Maglaj.

U strateškim dokumentima Općine Maglaj predviđeno je da se sredstva koja su iz ovog dijela budžeta/proračuna opredjeljena za poljoprivredu uglavnom usmjeravaju ka razvoju strateških ciljeva poljoprivredne proizvodnje i ruralnog razvoja na području cijele općine, odnosno subvencioniranje poljoprivrednika koji doprinose opstanku i proširenju postojeće poljoprivredne proizvodnje, modernizaciji poljoprivredne proizvodnje, a samim tim i povećanju prihoda u vlastitim domaćinstvima.

Osim budžetskih/proračunskih sredstava Općine Maglaj, ostala donatorska sredstva i druga sredstva koja su namijenjena za razvoj poljoprivrede bit će usmjerena u različite sektore poljoprivredne proizvodnje koji su u skladu sa usvojenim strateškim dokumentima Općine Maglaj, kako bi se nadomjestila i nadogradila podrška za one proizvodnje koje se u 2026. godini nisu mogle podržati iz budžetskih/proračunskih sredstava ili su ta sredstva bila nedostatna za održivost proizvodnje.

Sa podizanjem poljoprivredne proizvodnje na viši nivo reflektiraju se višestruke koristi za lokalnu zajednicu:

- Jača se lokalno poljoprivredno domaćinstvo;
- Smanjuje se broj nezaposlenih lica sa evidencije Zavoda za zapošljavanje;
- Smanjuje se pritisak na Budžet/Proračun u dijelu novčane podrške socijalno ugroženih kategorija stanovnika;
- Povećavaju se obrađene poljoprivredne površine;
- Osigurava se opskrba stanovništva i lokalnih trgovina, firmi domaćim lokalnim i jeftinijim proizvodima;
- Stvara se ambijent za razvoj privatnog poduzetništva u okviru poljoprivrednih gazdinstava.

## OPĆI UVJETI

Poljoprivrednici koji nisu upisani u Registar poljoprivrednih gazdinstava (RPG) i Registar Klijenata (RK) nemaju pravo na ostvarivanje poticajnih sredstava namijenjenih podršci u poljoprivredi i ruralnom razvoju.

Poticaj se može ostvariti i po dva i više osnova (izuzev kombinacije proizvodnja mlijeka i proizvodnja kukuruza) kod sljedećih vrsta poljoprivrede proizvodnje:

- proizvodnja jagodičastog voća (malina, kupina i jagoda),
- krastavci-kornišoni,
- bundeve za koštice,
- aronije i borovnice,
- plasteničke proizvodnje,
- proizvodnja sirovog kravljeg mlijeka,
- uzgoj rasplodne stoke-ovce (potomstvo-jagnjad),
- uzgoj zaštićenih pasmina životinja - domaća Buša,
- proizvodnju gljiva šampinjona i bukovača,
- peradarstvo (proizvodnja konzumnih jaja),
- pčelarstvo (proizvodnja meda),
- proizvodnja kukuruza i
- nabavka plastenika do 50 m<sup>2</sup> ( Općina Maglaj)

Kombiniranjem proizvodnje dvije i više od navedenih kultura, podržavaju se i poljoprivredni proizvođači sa područja općine Maglaj koji su izyršili:

- nabavku plastenika minimalne površine (vlastita sredstva) 100 m<sup>2</sup> i opreme za plastenike minimalne vrijednosti 2.000,00 KM,
- nabavku mehanizacije, priključaka za mehanizaciju, opreme za pčelarstvo i opreme za poljoprivredu minimalne vrijednosti 2.000,00 KM bez obzira kojoni vrstom proizvodnje se bave,
- podrška za zasnivanje novih zasada voća na minimalno 1 dunum i zasnivanje novih zasada kaletmljenih oraha na minimalno 1 dunum.

Za sve ostale vidove poljoprivredne proizvodnje poticaj se može ostvariti samo po jednom osnovu iz ovog Programa.

Za poljoprivredne proizvođače koji se bave i biljnom i animalnom proizvodnjom, a koji su registrovani po Zakonu o obrtu i srodnim djelatnostima u Federaciji BiH, odnosno kao d.o.o., primjenjuje se koeficijent od 1,2 do 1,5 koji se množi kod isplate poticaja. Isti će se primjenjivati i za sve one koji se u toku 2026. godine odluče na registraciju obrta odnosno d.o.o., do objave javnih poziva, s tim da se poticaj za poljoprivrednu proizvodnju ne može isplaćivati retroaktivno.

Općina Maglaj će naknadno odrediti jedinstvenu visinu koeficijenta u skladu sa finansijskim stanjem Budžeta/Proračuna Općine Maglaj u 2026. godini.

Dodatni koeficijent za poljoprivredne proizvođače, koji su registrovani po Zakonu o obrtu i srodnim djelatnostima u Federaciji BiH odnosno kao d.o.o., primjenjuje se za sljedeće vrste poljoprivredne proizvodnje:

- Pčelarstvo (proizvodnja meda);

- Peradarstvo (proizvodnja konzumnih jaja);
- Uzgoj rasplodne stoke-ovce (potomstvo-jagnjad);
- Uzgoj zaštićenih pasmina životinja - domaća Buša;
- Plastičnu i stakleničku proizvodnju;
- Proizvodnju jagodičastog voća (malina, kupina, jagoda i dr.);
- Uzgoj krastavca kornišona;
- Proizvodnju bundeve za koštice;
- Proizvodnju aronije i borovnice;
- Proizvodnju gljiva šampinjona i bukovača;

Dokaz koji služi kao osnova za obračun i isplatu je obavezno prilaganje rješenja o registraciji djelatnosti kao obrta, odnosno sudskog rješenja (za d.o.o.), kod prijave na javni poziv.

S obzirom na opredjeljena sredstva, mjere poticaja u poljoprivredi iz Budžeta/Proračuna Općine Maglaj u 2026. godini bit će usmjerena prema sljedećim sektorima poljoprivrede:

1. Poticanje intenzivne stočarske proizvodnje:

- proizvodnja sirovog kravljeg mlijeka, pčelarstvo – proizvodnja meda, peradarstvo – proizvodnja konzumnih jaja, uzgoj rasplodne stoke – ovce, uzgoj zaštićenih pasmina životinja - domaća Buša.

2. Poticanje biljne proizvodnje:

- plastična proizvodnja, proizvodnja krastavca kornišona, proizvodnja bundeve za koštice, proizvodnja kukuruza - za tov junadi, tov svinja i tov brojlera, proizvodnja jagodičastog i bobičastog voća, proizvodnja aronije i borovnice, proizvodnja gljiva šampinjona i bukovača.

3. Ostale vrste poticaja za unapređenje poljoprivredne proizvodnje i ruralnog razvoja:

- nabavka plastenika iz vlastitih sredstava i opreme za plastenike minimalne vrijednosti 2.000,00 KM sa sufinansiranjem od 10 % i maksimalnim iznosom podrške od 500,00 KM, nabavka hoby plastenika do 50 m<sup>2</sup>, nabavka mehanizacije, priključaka za poljoprivredu, opreme za pčelarstvo i opreme za poljoprivredu minimalne vrijednosti 2.000,00 KM, podrška za zasnivanje novih zasada voća, podrška za zasnivanje novih zasada kalemljenih oraha i projekti za zadruge i udruženja i sufinansiranje ostalih projekata u poljoprivredi,
- sufinansiranje projekata za unapređenje poljoprivredne proizvodnje putem međunarodnih organizacija ili viših nivoa vlasti (finansiranje u skladu sa potpisanim ugovorima o sufinansiranju).

4. Sufinansiranje programa i projekata podrške poljoprivredne proizvodnje (npr. proljetna sjetva, jesenska sjetva, biljna proizvodnja, i slični programi i projekti podrške) koji se dese tokom 2026. godine.

---

UKUPNO :                    240.000,00 KM

**U slučaju da opravdani zahtjevi po kategorijama poticaja znatno premaše budžetom predviđena sredstva u 2026. godini, visina poticaja će se obračunati sa kumulativnim umanjenjem na osnovu spiskova za isplatu poljoprivrednim proizvođačima a koji su ostvarili pravo na poticaj po raspisanim javnim pozivima za ostvarivanje novačanih podrški za navedene proizvodnje.**

## KORISNICI POTICAJA

Korisnici poticaja su:

1. Poljoprivrednici sa područja općine Maglaj koji na svom i/ili zakupljenom zemljištu na području općine Maglaj ostvaruju vlastitu poljoprivrednu proizvodnju i na taj način potiču razvoj ruralnih područja razvijanjem obiteljskih gazdinstava. Pravo na poticaje ostvaruju poljoprivrednici, fizičke osobe, registrirani poljoprivredni obrti, poljoprivredna gazdinstva, te poljoprivredne zadruge i udruženja u ime svojih članova.
2. Poljoprivredni proizvođači koji ispunjavaju uvjete navedene u ovom Programu, Službi za privredu, finansije/financije i razvoj poduzetništva dužni su dostaviti zahtjev za općinski poticaj kompletiran sa dokumentacijom propisanom u ovom Programu.
3. Poljoprivredne Zadruge i Udruženja sa svojim programima navedenim u kriterijima ovog Programa, a kojim će obuhvatiti svoje članove.

Općinska resorna Služba za oblast poljoprivrede će u roku od 30 dana od dana podnošenja zahtjeva izvršiti provjeru korisnika na terenu.

Nakon provjere i obilaska prijavljenih korisnika Služba će sačiniti prijedlog korisnika o ostvarivanju prava na novčanu podršku u zavisnosti od vrste i obima koji je propisan, te spisak dostaviti Općinskom načelniku koji donosi odluku o isplati poticaja.

### **I. POSEBNI KRITERIJI PO VRSTAMA PROIZVODNJE SA VISINOM POTICAJA I POTREBNOM DOKUMENTACIJOM**

#### **1. ANIMALNA PROIZVODNJA**

##### **1.1. PROIZVODNJA SIROVOG KRAVLJEG MLIJEKA (Po kvartalima)**

Proizvodnja sirovog kravljeg mlijeka je jedna od glavnih grana stočarske proizvodnje na području općine Maglaj. Imajući u vidu činjenicu da ista veže čitav niz različitih sektora poljoprivredne proizvodnje, predstavlja jedan od glavnih prioriteta izdvajanja poticaja u 2026. godini.

Poticat će se poljoprivrednici koji na svojim farmama imaju muzne krave obilježene ušnom markicom i koje su pod stalnom veterinarskom kontrolom. Za ostvarivanje poticaja potrebno je da se od strane registriranog otkupljiivača odnosno prerađivača kravljeg mlijeka dostavi ovjeren spisak poljoprivrednih proizvođača sa područja općine Maglaj, sa navedenim isporučenim količinama kravljeg mlijeka po kvartalima.

Iznos poticaja isplaćivat će se u iznosu od 0,10 KM po jednom litru predanog sirovog kravljeg mlijeka registriranom otkupljiivaču odnosno prerađivaču.

Poticaji za navedenu proizvodnju će se isplaćivati kvartalno, sa tim da se u tekućoj godini isplaćuje posljednji kvartal iz prethodne godine i prva tri kvartala iz tekuće godine, a sve zbog obračunavanja zadnjeg kvartala proizvedenog mlijeka u tekućoj godini koji završava sa datumom 31. decembrom.

**Visina poticaja može biti i manja po jedinici mjere, zavisno od ukupne količine predanog mlijeka.**

## 1.2. PČELARSTVO (PROIZVODNJA MEDA) (Javni poziv)

Pravo na poticaj imaju poljoprivredni proizvođači pčelari, koji su članovi registriranog Udruženja pčelara sa područja općine Maglaj, i koji imaju najmanje 10 (deset) pčelinjih zajednica/košnica na svom ili zakupljenom imanju.

Visina poticaja će iznositi 13,00 KM/košnici, a Javni poziv za navedenu proizvodnju će biti objavljen u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista stoke iz RPG-a i RK-a;
- Potvrda od strane Udruženja pčelara da je član istoga, sa navedenim brojem košnica;
- Dokaz - Privitak V kliničkog pregleda košnica izdata od strane JP „Veterinarska stanica“ d.o.o. Maglaj;
- Rješenje o registraciji djelatnosti kao obrta, odnosno sudskog rješenja (za d.o.o.);
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

## 1.3. PERADARSTVO (PROIZVODNJA KONZUMNIH JAJA) (Javni poziv)

Pravo na poticaj imaju poljoprivredni proizvođači konzumnih jaja sa područja općine Maglaj koji svoju djelatnost obavljaju kao registrirani obrt – srodna djelatnost.

Visina poticaja će iznositi 0,25 KM/koki nosilici, a Javni poziv za navedenu proizvodnju će biti objavljen u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista stoke iz Registra klijenata (RK);
- Potvrda od strane JP “Veterinarska stanica“ doo Maglaj ili drugog nadležnog organa o broju koka nosilica u jatu;
- Rješenje o registraciji djelatnosti kao obrta, odnosno sudskog rješenja (za d.o.o.);
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

#### 1.4. UZGOJ RASPLODNE STOKE – OVCE (potomstvo - jagnjad)

Pravo na poticaj imaju poljoprivredni proizvođači koji se bave uzgojom rasplodne stoke – ovce koji u vlastitom uzgoju imaju minimalno obilježenih 50 ovaca starijih od jedne godine.

Visina poticaja će iznositi 3,00 KM/jagnje, a Javni poziv za navedenu proizvodnju će biti objavljen u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista stoke iz RPG i RK;
- Izjava o vlasništvu sa upisanim brojevima ušnih markica ovaca starijih od jedne godine;
- Dokaz nadležne veterinarske stanice o obilježenom potomstvu jagnjadi od ovaca za koje se očekuje novčana podrška;
- Potvrda o provedenim obaveznim mjerama izdata od strane JP „Veterinarska stanica“ d.o.o. Maglaj;
- Rješenje o registraciji djelatnosti kao obrta, odnosno sudskog rješenja (za d.o.o.);
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

#### 1.5. UZGOJ ZAŠTIĆENIH PASMINA ŽIVOTINJA - DOMAĆA BUŠA

Pravo na poticaj imaju poljoprivredni proizvođači koji se bave uzgojom zaštićenih pasmina životinja - domaća Buša koji u vlastitom uzgoju imaju minimalno obilježenih 5 grla pasmine Buša.

Visina poticaja će iznositi 100,00 KM/grlu, a Javni poziv za navedenu proizvodnju će biti objavljen u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista stoke iz RPG i RK;
- Pasoši za grla;
- Izjava o vlasništvu sa upisanim brojevima ušnih markica grla pasmine Buša;
- Potvrda o provedenim obaveznim mjerama izdata od strane JP „Veterinarska stanica“ d.o.o. Maglaj;
- Rješenje o registraciji djelatnosti kao obrta, odnosno sudskog rješenja (za d.o.o.);
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

## 2. BILJNA PROIZVODNJA

### 2.1. PLASTENIČKA I STAKLENIČKA PROIZVODNJA (Javni poziv)

Pravo na poticaje imaju poljoprivrednici koji zasnuju bilo koji vid intezivne biljne proizvodnje (rasadničarstvo, povrtlarstvo, cvječarstvo i dr.) u plastenicima i staklenicima na vlastitom zemljištu i/ili zemljištu zakupljenom od strane drugih lica, na području općine Maglaj.

Poticati će se proizvodnja zasnovana u plastenicima i staklenicima na minimalnoj površini od 200 m<sup>2</sup>. Podrška za navedenu proizvodnju u iznosu od 1,00 KM/1 m<sup>2</sup> plastenika, a Javni poziv za navedenu proizvodnju će biti objavljen u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista korištenja iz RPG-a i RK;
- Dokaz o vlasništvu nad parcelom ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Rješenje o registraciji djelatnosti kao obrta, odnosno sudskog rješenja (za d.o.o.);
- Zapisnik nadležne općinske službe o utvrđenom činjeničnom stanju na terenu.

**Visina poticaja može biti i manja po jedinici mjere, zavisno od broja zaprimljenih i odobrenih zahtjeva.**

### 2.2. PROIZVODNJA JAGODIČASTOG VOĆA (Javni poziv) (malina, kupina, jagoda, i dr.)

Pravo na podršku u ovoj proizvodnji imaju poljoprivrednici koji zasnuju poljoprivrednu proizvodnju na zasadima malina, kupina, jagoda, i dr., od 1 dunuma i više.

Visina poticaja za navedenu proizvodnju u iznosu od 0,15 KM/1 kg otkupljene količine od strane registriranog otkupljivača sa područja Federacije BiH. Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba. Javni poziv za navedenu proizvodnju će biti objavljen u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista korištenja zemljišta iz RPG-a i RK-a;
- Dokaz o vlasništvu nad parcelom i/ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Dokaz o predanoj količini od strane registriranog otkupljivača;
- Rješenje o registraciji djelatnosti kao obrta, odnosno sudskog rješenja (za d.o.o.);
- Zapisnik nadležne općinske službe o utvrđenom činjeničnom stanju na terenu.

Određuje se maksimalni iznos novčane podrške za prinose po jednom dunumu zasada maline i isti iznosi do 1.200 kg/dunumu, s tim da kod svih većih količina proizvodnje Općina je dužna komisijски konstatovati stvarno stanje površine zasada na kojima se vrši proizvodnja maline.

**Visina poticaja može biti i manja po jedinici mjere, zavisno od broja zaprimljenih i odobrenih zahtjeva.**

### 2.3. UZGOJ KRASTAVCA KORNIŠONA (Javni poziv)

Pravo na podršku u ovoj proizvodnji imaju poljoprivredni proizvođači koji su zasnovali proizvodnju krastavca kornišona od 0,05 ha (0,5 dunuma) i više.

Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba.

Visina poticaja za navedenu proizvodnju na površinama od 0,5 – 1 dunuma se množi sa koeficijentom 1 (jedan), a za površine preko 1 dunuma zasađene površine se množe sa koeficijentom 1,25. Iznos poticaja po 1 (jednom) dunumu iznosi 100,00 KM.

Javni poziv za navedenu proizvodnju će biti objavljen u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista korištenja zemljišta iz RPG-a i RK-a;
- Potpisan Ugovor sa registriranim otkupljivačem;
- Dokaz o vlasništvu nad parcelom i/ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Rješenje o registraciji djelatnosti kao obrta, odnosno sudskog rješenja (za d.o.o.);
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

### 2.4. PROIZVODNJA BUNDEVE ZA KOŠTICE (Javni poziv)

Pravo na podršku u ovoj proizvodnji imaju poljoprivrednici koji zasnuju poljoprivrednu proizvodnju na zasadima bundeve za koštice, od 1 dunuma i više.

Visina poticaja za navedenu proizvodnju je u iznosu od 100,00 KM/dunumu zasadenih površina. Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba. Javni poziv za navedenu proizvodnju će biti objavljen u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista korištenja zemljišta iz RPG-a i RK-a;
- Dokaz o vlasništvu nad parcelom i/ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Rješenje o registraciji djelatnosti kao obrta, odnosno sudskog rješenja (za d.o.o.);
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

## 2.5. PROIZVODNJA KUKURUZA (SILAŽNI I MERKANTILNI) ZA TOV JUNADI, UZGOJ SVINJA I TOV BROJLERA (Javni poziv)

Pravo na poticaje imaju korisnici koji zasnuju proizvodnju kukuruza (merkantilni ili silažni) na vlastitom zemljištu i/ili zemljištu zakupljenom od strane drugih lica na području općine Maglaj, na minimalnoj površini od 1 ha (10 dunuma).

Podrška za navedenu proizvodnju iznosi 20,00 KM/dunumu, a Javni poziv za navedenu proizvodnju će biti objavljen u 2026. godini.

Za ovu vrstu poticaja se mogu prijaviti poljoprivredni proizvođači koje se bave tovom junadi, svinja i brojlera, a koji istu dokazuju listom stoke iz Registra poljoprivrednih gazdinstava i Registra klijenata.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista stoke i lista korištenja zemljišta iz RPG-a i RK-a;
- Dokaz o vlasništvu nad parcelom ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

## 2.6. PROIZVODNJA ARONIJE I BOROVNICE (Javni poziv)

Pravo na podršku u ovoj proizvodnji imaju poljoprivrednici koji zasnuju poljoprivrednu proizvodnju na zasadima aronije i borovnice, od 1 dunuma i više.

Visina poticaja za navedenu proizvodnju je u iznosu od 100,00 KM/dunumu zasadenih površina. Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba. Javni poziv za navedenu proizvodnju će biti objavljen u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista korištenja zemljišta iz RPG-a i RK-a;
- Dokaz o vlasništvu nad parcelom i/ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Rješenje o registraciji djelatnosti kao obrta, odnosno sudskog rješenja (za d.o.o.);
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

## 2.7. PROIZVODNJA GLJIVA ŠAMPINJONA I BUKOVAČA (Javni poziv)

Pravo na poticaj imaju poljoprivredni proizvođači gljiva (šampinjoni i bukovače) sa područja općine Maglaj koja su u 2026. godini imali proizvodnju jestivih gljiva za tržište sa ulaganjem u proizvodnju tokom 2026. godine i koji svoju djelatnost obavljaju kao registrirani obrt – srodna djelatnost.

Visina poticaja će iznositi 10,00 KM/toni komposta, a Javni poziv za navedenu proizvodnju će biti objavljen u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista korištenja iz Registra klijenata (RK);
- Fiskalni račun i poresku fakturu izdata na ime podnosioca zahtjeva za kupljene vreće proizvodne jedinice – komposta, sa datumom kupljenog od 01.09.2025. godine do objave Javnog poziva;
- Virman o izvršenom plaćanju ili Izvod iz banke o izvršenoj uplati od strane obrta.
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

## 3. OSTALE VRSTE PODRŠKE

### 3.1. PODRŠKA ZA NABAVKU PLASTENIKA I OPREME ZA PLASTENIKE (Javni poziv)

Pravo na podršku imaju poljoprivredni proizvođači koji su u periodu od 01.09.2025. godine do datuma objave Javnog poziva u 2026. godini nabavili nove plastenike površine od 100 m<sup>2</sup> i više i opreme za plastenike minimalne vrijednosti 2.000,00 KM.

Podrška iznosi 10 % od vrijednosti plastenika i opreme za plastenike.

Maksimalan iznos podrške je 500,00 KM/korisniku.

Za ostvarivanje navedenog poticaja neophodna je sljedeća dokumentacija

- Zahtjev za ostvarivanje navedenog poticaja;
- Lista korištenja zemljišta iz RPG-a i RK-a;
- Fiskalni račun i poreska faktura izdata na ime podnosioca zahtjeva za kupljene plastenike;
- Virman o izvršenom plaćanju ili Izvod iz banke o izvršenoj uplati (registrovani obrti).
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

### 3.2. PODRŠKA ZA NABAVKU MEHANIZACIJE, PRIKLJUČAKA ZA POLJOPRIVREDU, OPREME ZA PČELARSTVO (Javni poziv)

Pravo na podršku imaju poljoprivredni proizvođači sa područja općine Maglaj koji su u periodu od 01.09.2025. godine do datuma objave Javnog poziva u 2026. godini nabavili novu mehanizaciju, priključke za biljnu proizvodnju i opreme za pčelarstvo, u vrijednosti od 2.000,00 KM i više.

Podrška iznosi 10 % od ukupne vrijednosti kupljenog.

Maksimalan iznos podrške je 500,00 KM/korisniku.

Mehanizacija i priključci koji su nabavljeni na lizing, kao polovna neće se uzimati u razmatranje.

Oprema za pčelarstvo obuhvata: vrcaljke, kompletne košnice, linije za vrcanje meda, mašine za otvaranje sača (automatske) i linije za proizvodnju satne osnove.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista stoke i lista korištenja zemljišta iz RPG-a i RK-a;
- Fiskalni račun i poreska faktura izdata na ime podnosioca zahtjeva za kupljenu mehanizaciju i priključke.
- Virman o izvršenom plaćanju ili Izvod iz banke o izvršenoj uplati od strane obrta.
- Zapisnik nadležne općinske službe o utvrđenom činjeničnom stanju;

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

### 3.3. PODRŠKA ZA ZASNIVANJE NOVIH ZASADA VOĆA (Javni poziv)

Pravo na podršku imaju poljoprivredni proizvođači sa područja općine Maglaj koji su u periodu od 01.09.2025. godine do datuma objave Javnog poziva u 2026. godini nabavili sadni materijal za zasnivanje novih zasada voća, za minimalnu površinu od 1 dunuma zasada i više.

Podrška iznosi 10 % od ukupne vrijednosti kupljenog sadnog materijala.

Maksimalan iznos podrške je 500,00 KM/korisniku.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista korištenja zemljišta iz RPG-a i RK-a;
- Fiskalni račun i poreska faktura izdata na ime podnosioca zahtjeva za kupljeni sadni materijal.
- Virman o izvršenom plaćanju ili Izvod iz banke o izvršenoj uplati od strane obrta.
- Zapisnik nadležne općinske službe o utvrđenom činjeničnom stanju;

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

### 3.4. PODRŠKA ZA ZASNIVANJE NOVIH ZASADA KALEMLJENIH ORAHA (Javni poziv)

Pravo na podršku imaju poljoprivredni proizvođači sa područja općine Maglaj koji su u periodu od 01.09.2025. godine do datuma objave Javnog poziva u 2026. godini nabavili sadni materijal za zasnivanje novih zasada kalemjenih oraha, za minimalnu površinu od 1 dunuma zasada i više.

Podrška iznosi 10% od ukupne vrijednosti kupljenog sadnog materijala.

Maksimalan iznos podrške je 500,00 KM/korisniku.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Lista korištenja zemljišta iz RPG-a i RK-a;
- Fiskalni račun i poreska faktura izdata na ime podnosioca zahtjeva za kupljeni sadni materijal.
- Virman o izvršnom plaćanju ili Izvod iz banke o izvršenoj uplati od strane obrta.
- Zapisnik nadležne općinske službe o utvrđenom činjeničnom stanju;

**Visina poticaja može biti i manja po jedinici mjere, zavisno od broja zaprimljenih i odobrenih zahtjeva.**

### 3.5. DODJELA PLASTENIKA DO 50 m<sup>2</sup> u 2026. godini na području općine Maglaj (Javni poziv)

Pravo učešća u postupku za ostvarivanje prava na dodjelu plastenika u ovom Javnom pozivu imaju svi zainteresovani građani, socijalno ili materijalno ugrožene osobe, i mlade osobe u dobi od 18 do 35 godina, koji imaju prebivalište na teritoriji općine Maglaj, koje posjeduju vlastito poljoprivredno zemljište ili zemljište u vlasništvu članova uže porodice po pravoj liniji (majka, otac, djed i dr.) ili zemljište koje im je ustupljeno na korištenje ili u zakup na period ne manji od 3 (tri) godine, a koje je u neposrednoj blizini stambenog objekta u kojem stanuju.

Predmet ovog Javnog poziva je prikupljanje prijave za dodjelu plastenika do 50 m<sup>2</sup>, maksimalan broj dodjeljenih plastenika je 50.

Podnositelj prijave treba da ispunjava sljedeće kriterije/uslove:

- da je nezaposlena osoba ili osoba sa minimalnim primanjima ili mlada osoba u dobi od 18 do 35 godina, sa prebivalištem na području općine Maglaj,
- da je nosilac ili član poljoprivrednog gazdinstva u Registru poljoprivrednih gazdinstava i Registru klijenata u Općini Maglaj (RPG i RK),
- da je podnositelj prijave ili član njegove uže porodice vlasnik ili posjednik poljoprivrednog zemljišta pogodnog za plasteničku proizvodnju ili da je poljoprivredno zemljište uzeto na korištenje ili u zakup na period ne manji od 3 (tri) godine i da se zemljište nalazi u neposrednoj blizini stambenog objekta u kojem stanuje,
- da postoji mogućnost adekvatnog navodnjavanja plastenika,
- da u trenutku prijave na ovaj Javni poziv nema plastenik u svom posjedu ili posjedu člana uže porodice (plastenik sa metalnom konstrukcijom i bočnim ventiliranjem),
- da će dodijeljeni plastenik zadržati u vlasništvu najmanje 3 (tri) godine od potpisivanja ugovora.

Za ostvarivanje navedenog poticaja neophodna je sljedeća dokumentacija:

1. Prijavni obrazac, (preuzima se na šalteru br. 3 Općine Maglaj),

2. Ovjerena kućna lista
3. CIPS prijava za podnosioca zahtjeva i članove domaćinstva koji su navedeni na kućnoj listi
4. Dokaz o nezaposlenosti svih punoljetnih članova zajedničkog domaćinstva izdat od Bira za zapošljavanje Maglaj. Za nezaposlene osobe koje nisu prijavljene na Biro za zapošljavanje, prilaže se potvrda da se osobe ne vode u evidenciji osiguranih osoba, izdata od Porezne uprave ili ovjerena izjava kojom se garantuje da je lice nezaposleno,
5. Kopija potvrde o upisu u Registar poljoprivrednih gazdinstava i Registar klijenata (RPG i RK) izdata od nadležne općinske službe za poslove poljoprivrede.
6. Potvrde škole/fakulteta za djecu/izdržavane članove domaćinstva, a za djecu predškolskog uzrasta priložiti rodni list,
7. Uvjerenje ili drugi dokaz o visini prihoda za svakog zaposlenog člana domaćinstva sa kućne liste, za penzionere posljednji ček od penzije, a za korisnike stalne socijalne pomoći, prilaže se rješenje Centra za socijalni rad Maglaj o visini socijalne pomoći,
8. Vlasništvo ili posjed nad parcelom koja se namjerava koristiti za instaliranje plastenika (kopija ZK izvodka ili Posjedovnog lista, ili ugovor o zakupu/korištenju parcele),
9. Dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
10. Ovjerena izjava da u trenutku prijave za učešće u javnom pozivu za dodjelu plastenika iz ovog Javnog poziva, **nema plastenika** u svom posjedu ili posjedu užeg člana domaćinstva,
11. Ovjerena izjava da će korisnik dodijeljenog plastenika isti zadržati u vlasništvu najmanje 3 (tri) godine od dana potpisivanja ugovora.

### 3.6. SUFINANSIRANJE PROJEKATA - PROGRAMA IZ OBLASTI POLJOPRIVREDE, EDUKATIVNA PUTOVANJA I ORGANIZIRANI POSJETI SAJMOVIMA (Javni poziv)

Podrška se odobrava zemljoradničkim zadrugama i udruženjima poljoprivrednika s područja općine Maglaj na osnovu vrijednosti apliciranih projekata - programa.

Projekti - programi moraju biti isključivo vezani za poljoprivrednu proizvodnju i ruralni razvoj. Jednoj zadrugi ili udruženju može biti odobreno sufinansiranje samo jednog projekta - programa u oblasti poljoprivrede u visini od 3.000,00 KM u 2026. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Potvrda o upisu u Registar klijenata (RK);
- Poslovni plan ili projekt-program (sa finansijskom strukturom) i predračunom opreme;
- Izvještaj o radu Udruženja/Zadruga za 2025. godinu;
- Završni račun za 2025. godinu;
- Plan rada u 2026. godini;
- Zapisnik nadležne općinske službe o utvrđenom činjeničnom stanju;
- Kopija tekućeg / žiro računa.

Visina poticaja može biti i manja zavisno od broja zaprimljenih i odobrenih zahtjeva.

**Napomena: "OSTALE VRSTE PODRŠKE" realizovat će se nakon okončanja javnih poziva za "ANIMALNU" i "BILJNU" proizvodnju, sa definisanim iznosima u Programu a sve do visine planirane pozicije poticaja u poljoprivredi iz Budžeta/Proračuna Općine Maglaj u 2026. godini.**

## II. PROVEDBA POSTUPKA SA NAČINOM ISPLATE

Podnošenje zahtjeva se otpočinje po objavljenom Javnom pozivu, o čemu će poljoprivrednici biti informirani putem: oglasne ploče Općine Maglaj, RTV Maglaj, web stranice općine [www.maglaj.ba](http://www.maglaj.ba) i drugih medija na području općine, izuzev poticaja za sirovo kravlje mlijeko koji se isplaćuju po dostavljenim ovjerenim spiskovima od strane otkupljivača mlijeka po kvartalima, te nakon što se urade provjere donosi se odluka o isplati poticaja.

Podnošenje zahtjeva traje do rokova naznačenih u Javnom pozivu za svaku vrstu poljoprivredne proizvodnje posebno.

Podnošenje zahtjeva se obavlja putem prijemnog šaltera Općine Maglaj, a zahtjevi se podnose Službi za privredu, finansije/finansije i razvoj poduzetništva.

Ispunjenost kriterija u svakom pojedinačnom slučaju i uviđajem na terenu, Zapisnikom će utvrditi Služba za privredu, finansije/finansije i razvoj poduzetništva.

Krajnji rok za utvrđivanje činjeničnog stanja za svaku pojedinu kategoriju je 30 (trideset) dana nakon završetka rokova za predaju zahtjeva.

Služba će nakon isteka predviđenog roka za podnošenje zahtjeva za pojedine sektore poljoprivredne proizvodnje po Javnom pozivu sačiniti prijedlog korisnika, utvrditi visinu poticaja u skladu sa raspoloživim sredstvima za predmetne kategorije poljoprivredne proizvodnje i predviđenim iznosom po jedinici mjere, te isti dostaviti Općinskom načelniku koji donosi odluku o isplati poticaja.

U slučajevima gdje se Zapisnikom utvrdi da podnositelj zahtjeva nije ispunio jedan ili više kriterija, taj zahtjev se ne odobrava, vrši se njegovo arhiviranje i usmeno se obavještava podnositelj zahtjeva o razlozima neodobravanja poticaja.

Ponovno podnošenje zahtjeva u tekućoj godini za istu proizvodnju neće biti razmatrano od strane Službe.

Ukoliko se u realizaciji Programa utvrdi da su podnositelji zahtjeva za poticaje pokušali prevariti Službu pružanjem netačnih podataka, iste osobe će biti isključene iz programa poticaja u naredne dvije godine.

### Napomena:

- Ukoliko na kraju 2026. godine, tačnije početkom mjeseca decembra, ostane ne dodijeljenih sredstava podrške u poljoprivrednoj proizvodnji da se ista putem Komisije Općinskog vijeća za poljoprivredu, vodoprivredu i šumarstvo dodijele najugroženijim poljoprivrednim proizvodnjama ili udruženjima/zadugama na općini Maglaj u 2026. godini.
- Ukoliko zbog nedostatka sredstava u Budžetu/Proračunu Općine Maglaj za 2026. godinu, ili nekih drugih razloga, ne mogu doći do realizacije ovih mjera poticaja, Općina Maglaj će nastojati istu mjeru podržati iz sredstava donacija ili nekih drugih programa pomoći koji se budu realizirali na području općine Maglaj, a kako bi se strateški podržala i unaprijedila poljoprivredna proizvodnja.
- Planirani iznosi poticaja mogu biti i izvan utvrđenih iznosa, u zavisnosti od stanja punjenja Budžeta/Proračuna općine Maglaj u 2026. godini.

PREDSJEDAVAJUĆA  
Aida Bašić

## Obrazloženje

Općinsko vijeće Maglaj Zaključkom broj: 02-04-1-321-12/26 od 16.02.2026. godine na svojoj 15. redovnoj sjednici prihvatilo je Nacrt Programa poticaja u poljoprivrednoj proizvodnji općine Maglaj za 2026. godinu, i istim Nacrt Programa uputilo u javnu raspravu, organizator javne rasprave bila je Služba za privredu, finansije/financije i razvoj poduzetništva.

Cilj javne rasprave o Nacrtu Programa poticaja u poljoprivrednoj proizvodnji općine Maglaj za 2026. godinu bio je da se doprinese njegovom poboljšanju, kako bi Služba za privredu, finansije/financije i razvoj poduzetništva kao njegov predlagač, dostavila Općinskom vijeću Maglaj odgovarajući Prijedlog Programa.

Na Javnu raspravu su bili pozvani poljoprivredni proizvođači, nosioci poljoprivrednih gazdinstava, vlasnici poljoprivrednih obrta, predstavnici zemljoradničkih zadruga i udruženja građana poljoprivrednih proizvođača, kao i ostali građani koji smatraju da mogu pomoći u procesu davanja primjedbi i prijedloga na Nacrt Programa poticaja u poljoprivrednoj proizvodnji općine Maglaj za 2026. godinu. Za sve građane Nacrt Programa je bio objavljen na web stranici Općine [www.maglaj.ba](http://www.maglaj.ba) i bio je dostupan u Šalter sali Općine Maglaj.

Primjedbe i prijedlozi na Nacrt Programa poticaja u poljoprivrednoj proizvodnji općine Maglaj za 2026. godinu mogli su se dostaviti na mail: [sadka.huskić@maglaj.ba](mailto:sadka.huskić@maglaj.ba) ili dostavom istih u pisanoj formi putem Pisarnice Općine Maglaj. Krajnji rok za ovakvu dostavu pisanih prijedloga, primjedbi i sugestija na Nacrt Programa bio je 24.03.2026. godine do 15,30 sati.

Javna rasprava održana je dana 24.03.2026. godine u 12,00 sati u sali Općinskog vijeća Maglaj (Dom kulture "Edhem Mulabdić"). Na javnu raspravu odazvalo se (dvadeset jedan) poljoprivredni proizvođač, vlasnika poljoprivrednih obrta i predstavnika udruženja poljoprivrednika i 3 predstvanika Općine Maglaj.

Tokom Javne rasprave prisutnima je bila pružena mogućnost iznošenja vlastitih mišljenja i stavova u vezi sa predloženim Nacrtom Programa, a sve u cilju što kvalitetnije konačne verzije ovog dokumenta, što su isti i iskoristili i podnijeli prijedloge koje je Komisija OV kasnije i razmatrala.

Dana 03.04.2026. godine u 09,00 sati u zgradi Općine Maglaj organizovan je zajednički sastanak Komisije općinskog vijeća za poljoprivredu, vodoprivredu i šumarstvo i Službe za privredu, finansije/financije i razvoj poduzetništva kao predlagača Programa. Na sastanku su prezentovani rezultati provedene Javne rasprave i upoznati članovi Komisije sa prijedlozima, primjedbama i sugestijama koje su iznesene tokom Javne rasprave.


U skladu sa navedenim, Komisija Općinskog vijeća za poljoprivredu, vodoprivredu i šumarstvo zajedno sa Službom za privredu, finansije/financije i razvoj poduzetništva je donijela sljedeće zaključke da se opravdani prijedlozi uobzire i uvrste u Program podrške poljoprivrednoj proizvodnji za 2026. godinu, i to:

- Da poticaj za proizvodnju mlijeka ostane 0,10 KM/litri mlijeka, kao što je bilo i u prethodnim godinama.
- Da poticaj za pčelarstvo iznosi 13,00 KM/košnici, umjesto dosadašnjih 12,50 KM/košnici.
- Da u Programu podrške „Sufinansiranje projekata – programa iz oblasti poljoprivrede, edukativna putovanja i organizirani posjeti sajmovima“ iznos podrške u 2026. godini bude 3.000,00 po jednoj zadruzi ili udruženju za sufinansiranje samo jednog projekta – programa u oblasti poljoprivrede.
- Da se uvrsti u Program poticaja za 2026. godinu, podrška uzgoja zaštićenih pasmina životinja - domaća Buša u iznosu od 100,00 KM/grlu.

- Da se uvede savjetodavna Služba za poljoprivredu u Općini Maglaj.
- Ukoliko na kraju 2026. godine, tačnije početkom mjeseca decembra, ostane ne dodijeljenih sredstava podrške u poljoprivrednoj proizvodnji da se ista putem Komisije Općinskog vijeća za poljoprivredu, vodoprivredu i šumarstvo dodijele najugroženijim poljoprivrednim proizvodnjama ili udruženjima/zadrogama na općini Maglaj u 2026. godini.

U skladu sa navedenim Služba za privredu, finansije/financije i razvoj poduzetništva Općine Maglaj Općinskom vijeću Maglaj dostavlja dokument Prijedloga Programa poticaja u poljoprivrednoj proizvodnji općine Maglaj za 2026. godinu.

Služba za privredu, finansije/financije  
i razvoj poduzetništva



Maglaj, 06.04.2026. godine



PREDLAGAČ  
OPĆINSKI NAČELNIK

*Mirza Suljaković*  
Mirza Suljaković

